



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган

http://xs.uz

E-mail: Info@xs.uz

2013 йил 24 апрель, № 78 (5752)

Чоршанба

Ўзбекистон Республикасининг ҚОНУНИ

«Фуқаролар йиғини раиси (оқсоқоли) ва унинг маслаҳатчилари сайлови тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида

Қонунчилик палатаси томонидан 2013 йил 15 мартда қабул қилинган
Сенат томонидан 2013 йил 28 мартда маъқулланган

1-модда. Ўзбекистон Республикасининг 2004 йил 29 апрелда қабул қилинган «Фуқаролар йиғини раиси (оқсоқоли) ва унинг маслаҳатчилари сайлови тўғрисида»ги 609–II-сонли Қонунига (Ўзбекистон Республикаси Олий Мажлисининг Ахборотномаси, 2004 йил, № 5, 78-модда) ўзгартиш ва қўшимчалар киритилиб, унинг янги тахрири тасдиқлансин (илова қилинади).

2-модда. Ўзбекистон Республикаси Вазирлар Маҳкамаси:

хукумат қарорларини ушбу Қонунга мувофиқлаштирсин;

давлат бошқаруви органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

3-модда. Ушбу Қонун расмий эълон қилинган кундан эътиборан кучга киради.

Ўзбекистон Республикасининг
Президенти

И. КАРИМОВ

Тошкент шаҳри,
2013 йил 22 апрель
№ УРҚ–351

Ўзбекистон Республикасининг ҚОНУНИ

Фуқаролар йиғини раиси (оқсоқоли) ва унинг маслаҳатчилари сайлови тўғрисида (янги тахрири)

1-боб. Умумий қоидалар

1-модда. Ушбу Қонуннинг мақсади

Ушбу Қонуннинг мақсади шаҳарча, қишлоқ, овул, шунингдек шаҳарлардаги, шаҳарчалардаги, қишлоқлардаги, овуллардаги маҳалла фуқаролар йиғини (бундан буён матнда фуқаролар йиғини деб юритилади) раиси (оқсоқоли) ва унинг маслаҳатчилари сайловини ташкил этиш ва ўтказиш соҳасидаги муносабатларни тартибга солишдан иборат.

2-модда. Фуқаролар йиғини раиси (оқсоқоли) ва унинг маслаҳатчилари сайлови тўғрисидаги қонун ҳужжатлари

Фуқаролар йиғини раиси (оқсоқоли) ва унинг маслаҳатчилари сайлови тўғрисидаги қонун ҳужжатлари ушбу Қонун ҳамда бошқа қонун ҳужжатларидан иборатдир.

3-модда. Ўзбекистон Республикаси Фуқароларининг Фуқаролар йиғини раиси (оқсоқоли) ва унинг маслаҳатчилари сайловида иштирок этиш ҳуқуқи

Фуқаролар йиғини раиси (оқсоқоли) ва унинг маслаҳатчилари сайловида Ўзбекистон Республикаси Фуқароларининг (бундан буён матнда Фуқаролар деб юритилади) иштирок этиши ихтиёрий ҳамда эркиндир. Фуқароларга уларни сайловда иштирок этишга ёки иштирок этмасликка мажбур қилиш мақсадида, шунингдек уларнинг ўз хоши-иродасини эркин билдиришига таъсир кўрсатишга ҳеч ким ҳақли эмас.

Фуқаролар йиғини раиси (оқсоқоли) ва унинг маслаҳатчиларини сайлаш ҳуқуқига сайлов куни ўн саккиз ёшга тўлган ҳамда шаҳарча, қишлоқ, овул, шунингдек шаҳардаги, шаҳарчалардаги, қишлоқдаги, овулдаги маҳалла ҳудудида (бундан буён матнда тегишли ҳудуд деб юритилади) доимий яшовчи фуқаролар эга.

Суд томонидан муомалага лаёқатсиз деб топилган фуқароларнинг фуқаролар йиғини раиси (оқсоқоли) ва унинг маслаҳатчилари сайловида иштирок этиши мумкин эмас.

Фуқаролар йиғини раиси (оқсоқоли) ва унинг маслаҳатчилари сайловида фуқароларнинг иштирок этиш ҳуқуқларини бирон-бир тарзда бевосита ёки билвосита чеклаш тақиқланади.

(Давоми 2-бетда.)

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ МАЖЛИСИ ТЎҒРИСИДА АХБОРОТ

2013 йил 23 апрелда Вазирлар Маҳкамасининг жорий йил биринчи чорагида республикани ижтимоий-иқтисодий ривожлантириш яқунларига ҳамда шу йил 18 январда республика Ҳукумати мажлисида Ўзбекистон Республикаси Президенти Ислам Каримов томонидан белгилаб берилган 2013 йилги иқтисодий дастурнинг энг муҳим йўналишлари ва устувор вазифалари амалга оширилишини баҳолашга бағишланган мажлиси бўлиб ўтди.

Мажлисида мамлакатни ривожлантиришнинг белгиланган макроиқтисодий кўрсаткичларига эришишни таъминлаш, энг аввало, иқтисодиёт тармоқлари ва соҳаларини жадал модернизациялаш ва ривожлантиришнинг қабул қилинган дастурларини аниқ мақсадга йўналтирилган ҳолда амалга ошириш ҳисобига иқтисодиётнинг рақобатбардошлигини ошириш ҳамда уни таркибий ўзгартиришларни чуқурлаштириш, шунингдек, аҳоли бандлиги ва фаровонлигини оширишни таъминлаш бўйича амалга оширилаётган чора-тадбирларнинг натижалари ҳар томонлама кўриб чиқилди ва чуқур таҳлил қилинди.

Қайд этиб ўтилдики, жаҳон иқтисодиётида давом этаётган инқирозли ҳолатларга қарамай, иқтисодиётни модернизациялаш ва унинг рақобатбардошлигини ошириш дастурининг тизимли ва изчил амалга оширилиши туфайли макроиқтисодий барқарорликни ва республика иқтисодиётини ўстиришнинг барқарор суръатларини

сақлаш таъминланмоқда. Жорий йилнинг биринчи чорагида мамлакатнинг ялпи ички маҳсулоти 7,5 фоизга, sanoat маҳсулотлари ишлаб чиқариш ҳажми 6 фоизга, қишлоқ хўжалиги маҳсулотлари етиштириш — 6,2 фоизга, қурилиш ишлари — 13,2 фоизга ўсди. Давлат бюджети ялпи ички маҳсулотга нисбатан 0,4 фоиз миқдордаги профицит билан ижро этилди. Инфляция даражаси прогноз параметрларидан ошмади.

Ички талабни рағбатлантириш ва ички бозорни рақобатбардош маҳаллий маҳсулотлар билан янада кўпроқ тўлдириш бўйича кўрилаётган чора-тадбирлар натижасида истеъмол товарлари ишлаб чиқариш ҳажми 9,4 фоизга, чакана товар айланмаси 13,1 фоизга ва хизматлар ҳажми 9 фоизга кўпайди. Хизматлар кўрсатиш соҳасининг ялпи ички маҳсулотдаги улуши ўтган йилдаги 52,1 фоиз ўрнига 52,5 фоизгача ўсди. Маҳаллийлаштирилган маҳсулотлар ишлаб чиқариш ҳажми 40,4 фоизга ўстириш таъминланди, импорт

ўрнини қоплашнинг ҳисоблаб чиқилган самараси 1,0 миллиард АҚШ долларини ташкил қилди.

Энг аввало, иқтисодиёт тармоқларини жадал ривожлантиришга ва модернизациялаш кўламлини кенгайтиришга йўналтирилган фаол инвестиция сиёсатининг амалга оширилаётганлиги ўзлаштирилган инвестициялар ҳажмининг 7,2 фоиз, шу жумладан, хорижий инвестициялар ҳажмининг 35,5 фоиз ўсишига кўмаклашди, уларнинг қарийб 84 фоизини тўғридан-тўғри хорижий инвестициялар ташкил қилади. 587 та ишлаб чиқариш объекти фойдаланишга топширилди, шунингдек, умумий қиймати 4,3 миллиард АҚШ долларига тенг бўлган 114 та янги инвестиция лойиҳасини амалга ошириш бошланди.

“Обод турмуш йили” Давлат дастури тадбирлари фаол амалга оширилмоқда. Уларни молиялаштиришга жорий йилнинг биринчи чорагида барча манбалар ҳисобидан 1,3 триллион сўм миқдорда маблағлар йўналтирилди.

Вазирлар Маҳкамаси мажлисида sanoat тармоқларини модернизациялаш, техник ва технологик жиҳатдан янгилаш, ишлаб чиқаришни диверсификациялаш, рақобатбардош маҳсулотларнинг янги турларини ўзлаштириш ҳамда уларни экспортга етказиб бериш ҳажмлари ва турларини кўпайтириш дастурларининг бажарилишини муфассал таҳлил қилишга алоҳида эътибор қаратилди.

Муҳокама давомида “Ўзбекнефтегаз” миллий холдинг компанияси, “Ўзкимёсаноат”, “Ўзбекэнерго”, “Ўзбекенгил-саноат” давлат-акциядорлик компаниялари, “Ўзфарм-саноат” давлат концерни, “Ўзэлтехсаноат” уюшмаси ҳамда қишлоқ хўжалиги машинасозлигининг бир қатор корхоналари раҳбарлари олдида айрим инвестиция лойиҳаларини амалга оширишда ва янги ишлаб чиқариш объектиларини ўз вақтида фойдаланишга топширишда йўл қўйилган қоқоқликнинг ўрнини қоплашни таъминлаш юзасидан қатъий талаблар қўйилди.

Мажлисида фойдаланилмаётган резервларни ва ишлаб чиқариш қувватларини ишга солиш, қайта ишлаш тармоқларини, қурилиш индустрияси ва хизматлар кўрсатиш соҳаларини жадал ривожлан-

тириш ҳисобига ҳудудларни комплекс ривожлантиришни таъминлаш бўйича Ўзбекистон Республикаси Президенти томонидан берилган топшириқларнинг ижроси ҳолати кўриб чиқилиб, батафсил таҳлил қилинди. Қайд этиб ўтилдики, фойдаланилмаётган резервлар ва ишлаб чиқариш қувватларини танқидий баҳолаш юзасидан Иқтисодиёт вазирлиги томонидан маҳаллий ижро этувчи ҳокимият органлари, вазирликлар ва хўжалик бирлашмалари билан биргаликда амалга оширилган ишлар натижасида тармоқ ва ҳудудий ривожлантиришни ўзаро мустақкам боғлашни таъминлаган ҳолда ҳудудларни ижтимоий-иқтисодий ривожлантиришнинг ўртача муддатли дастурларига тузатишлар киритилди.

Муҳокама давомида барча даражадаги ҳокимликлар, тармоқлар, корхоналар ва Иқтисодиёт вазирлиги раҳбарлари олдида фойдаланилмаётган резервлар ҳамда қувватларни аниқлаш ва сафарбар этиш самарадорлигини янада оширишга, шунингдек, ҳудудларни ижтимоий-иқтисодий ривожлантиришнинг ўртача муддатли дастурлари параметрлари ва тадбирларнинг бажарилишини сўзсиз таъминлашга йўналтирилган вазифалар қўйилди.

(Давоми 3-бетда.)

Модернизация:

ИМКОНИЯТ ВА САМАРА



Ҳосен ПАЙДЮЕВ олган сурат.

Бугун юртимизнинг барча ҳудудларида бўлгани каби Хоразм вилояти иқтисодиётида ҳам юқори ўсиш суръатлари кузатилаётган.

ЖАРАЁН

Воҳода ўтган йили sanoat маҳсулотлари ишлаб чиқариш ҳажми 11,4 фоизга ортиб, 117

та янги корхона ишга туширилди.

Эришилаётган ютуқларда, айтиш жоизки, корхоналарни модерни-

зация қилиш, техник ва технологик янгилаш, рақобатбардош маҳсулотлар ишлаб чиқариладиган янги объектларни

бунёд этиш, шунингдек, ишлаб чиқаришга кўпроқ инвестиция жалб этишга алоҳида эътибор қаратилаётгани муҳим омил бўлмоқда.

(Давоми 4-бетда.)

ЎЗБЕКИСТОН РЕСПУБЛИКАСИ БОШ ПРОКУРАТУРАСИДА УЧРАШУВ

Мамлакатимизга ташриф буюрган Польша Республикаси Бош прокурорининг биринчи ўринбосари Марек Ямрогович раҳбарлигидаги делегация аъзолари Ўзбекистон Республикаси Бош прокурори Рашиджон Қодиров билан учрашди.

Мулоқот чоғида Ўзбекистон билан Польша ўртасидаги ҳамкорлик кўлаб йўналишлар қатори ҳуқуқий соҳада ҳам изчил ривожланиб бораётгани, бунда икки давлат раҳ-

барларининг учрашувлари чоғида эришилган келишувлар муҳим ҳуқуқий асос бўлаётгани алоҳида таъкидланди. Икки давлат прокуратура идоралари раҳбарларининг

профессионал алоқалари ва ҳамкорлигининг шартномавий-ҳуқуқий асослари мустақамланаётгани мамлакатларимиз бош прокуратуралари ўртасидаги ҳамкорликни изчил ривожлантиришга хизмат қилаётди.

Таъкидлаш жоизки, 2011 йилнинг март ойида Ўзбекистон Республикаси Бош прокурори раҳбарлигидаги делегация ташриф билан Польша Республикасида бўлди.

(Давоми 4-бетда.)

КОНЦЕПЦИЯ: УСТУВОР ВАЗИФАЛАР

Тошкент шаҳрида “Давлат ҳокимияти органлари фаолиятининг очиқлиги — жамоатчилик назоратининг муҳим омили” мавзусида халқаро илмий-амалий семинар бўлиб ўтди.

ОЧИҚЛИК ВА ОШКОРАЛИК — ЖАМОАТЧИЛИК НАЗОРАТИНИНГ МУҲИМ ОМИЛИ

Тадбир Ўзбекистон мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди, Фуқаролик жамияти ривожланишини мониторинг қилиш мустақил институти, Ўзбекистон Республикаси Алоқа, ахборотлаштириш ва телекоммуникация технологиялари давлат қўмитаси, ЎзМТРК томонидан ЕХХТнинг Ўзбекистондаги лойиҳалари координатори, ЮНЕСКО, Миллий демократик институт (АҚШ), “Минтақавий мулоқот” нодавлат нотижорат ташкилоти (Словения) ҳамкорлигида ташкил этилди. Унда Ўзбекистон Республикаси Олий Мажлиси Қонунчилик палатаси депутатлари, тегишли вазирлик ва идоралар, фуқаролик жамияти институтлари, халқаро ташкилотлар, дипломатик корпус вакиллари, шунингдек, АҚШ, Франция, Германия, Финляндия, Латвия, Словения каби давлатлардан соҳа мутахассислари ва экспертлар катнашди.

Семинарда таъкидланганидек, истиқлол йилларида Ўзбекистонда инсон, унинг қонуний манфаатлари ва ҳуқуқлари, эркинликлари амалда олий кадрияти даражасига кўтарилган очиқ демократик ҳуқуқий давлат қуриш, халқ микросида обрў-эътибор қозонган жамият барпо

этиш йўлида улкан демократик янгиланишлар амалга оширилмоқда. Бундай ислохотлар самаралари ҳақли равишда нуфузли халқаро ташкилотлар ва экспертлар томонидан эътироф қилинапти.

Шубҳасиз, Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида илгари сурилган гоа, тақлиф, қонунчилик ташаббусларининг амалиётга изчил жорий этилаётгани ана шу модернизация жараёнлари суръатларини сифат жиҳатидан янги босқичга олиб чиқишга хизмат қилаётди.

Маъзур дастуриламал ҳужжатда ахборот соҳасини ислохот этиш, ахборот ва сўз эркинлигини таъминлаш, жамоатчилик назорати институтини янада тараққий топтиришнинг ҳуқуқий-ташқилий механизмларини замон талаблари асосида такомиллаштиришга оид устувор вазифалар белгилаб берилган.

Маълумки, республикаимизда ўтган йиллар давомида ахборот эркинлиги принциплари, ахборот олиш кафолатлари, демократлаштириш жараёнларида ОАВ иштирокини кенгайтиришга оид қонунчилик асосларини маромига етказишга қаратилган кенг кўламли чора-тадбирлар ҳаётга татбиқ қилинди.

(Давоми 3-бетда.)

Ўзбекистон Республикасининг ҚОНУНИ

Фуқаролар йиғини раиси (оқсоқоли) ва унинг маслаҳатчилари сайлови тўғрисида (янги таҳрири)

(Давоми. Бошланиши 1-бетда).

4-модда.
Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказишнинг асосий принциплари

Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказиш ошкоралик, муқобиллик ва тенг сайлов ҳуқуқи принциплари асосида амалга оширилади.

5-модда.
Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказишда ошкоралик

Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказиш очиқ ва ошкора амалга оширилади.

Фуқаролар йиғини раиси (оқсоқоли) ва унинг маслаҳатчилари сайлови ташкил этилаётганда ҳамда ўтказилаётганда фуқаролар йиғини (фуқаролар вакилларининг йиғилиши) ўтказиладиган сана, вақт ва жой тўғрисида фуқаролар воқиф этилади, фуқаролар йиғини раиси (оқсоқоли) ва унинг маслаҳатчилари лавозимига номзодлар ҳақида, овоз бериш яқунлари тўғрисида хабардор қилинади.

Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказиш қандай бораётганлиги оммавий ахборот воситалари томонидан ёритиб борилади.

6-модда.
Фуқаролар йиғини раиси (оқсоқоли) ва унинг маслаҳатчилари сайловининг муқобиллик асосида ўтказилиши

Фуқаролар йиғини раиси (оқсоқоли) ва унинг маслаҳатчилари сайлови фуқаролар йиғини раиси (оқсоқоли) ва унинг маслаҳатчилари лавозимига икки ва ундан кўп номзод кўрсатган ҳолда амалга оширилади.

7-модда.
Фуқаролар йиғини раиси (оқсоқоли) ва унинг маслаҳатчилари сайловини ўтказишда тенг сайлов ҳуқуқи

Фуқаролар йиғини раиси (оқсоқоли) ва унинг маслаҳатчиларини сайлашда фуқаролар жинси, ирқи, миллати, тили, дини, ижтимоий келиб чиқиши, этникоди, шахсий ва ижтимоий мавқеидан қатъи назар, тенг сайлов ҳуқуқига эгадир.

Фуқаролар йиғини раиси (оқсоқоли) ва унинг маслаҳатчиларини сайлашда фуқаролар йиғинининг (фуқаролар вакиллари йиғилишининг) ҳар бир иштирокчиси бир овозга эга бўлади.

8-модда.
Фуқаролар йиғини раисини (оқсоқолини) ва унинг маслаҳатчиларини сайлаш

Фуқаролар йиғини раиси (оқсоқоли) ва унинг маслаҳатчилари фуқаролар йиғини томонидан, фуқаролар йиғинини қақриш имкони бўлмаган тақдирда эса, фуқаролар вакилларининг йиғилиши томонидан икки ярим йил мuddатга сайланади.

9-модда.
Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказишни давлат томонидан қўллаб-қувватлаш

Давлат органлари фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказишда фуқаролар йиғинларига кўмаклашади, зарур ҳолларда эса уларни бинолар, транспорт ва алоқа воситалари билан таъминлаши шарт.

2-боб.
Фуқаролар йиғини раиси (оқсоқоли) ва унинг маслаҳатчилари сайловини ташкил этиш

10-модда.
Фуқаролар йиғини раиси (оқсоқоли) ва унинг маслаҳатчилари сайловини ўтказиш мuddатларини белгилаш

Фуқаролар йиғини раиси (оқсоқоли) ва унинг маслаҳатчилари сайловини ўтказиш мuddатлари сайлов бошланшидан камида икки ой олдин Ўзбекистон Республикаси Олий Мажлиси Сенатининг Кенгаши томонидан белгиланади.

Фуқаролар йиғини раиси (оқсоқоли) ва унинг маслаҳатчилари сайловига тайёргарлик тадбирларини ўтказиш мuddатлари ва тартиби Ўзбекистон Республикаси Олий Мажлиси Сенатининг Кенгаши томонидан белгиланади.

11-модда.
Ўзбекистон Республикаси Олий Мажлиси Сенати Кенгашининг фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга кўмаклашувчи комиссияси

Ўзбекистон Республикаси Олий Мажлиси Сенати Кенгашининг фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга кўмаклашувчи комиссияси (бундан буён матнда Сенат Кенгашининг комиссияси деб юритилади) Ўзбекистон Республикаси Олий Мажлиси Сенатининг Кенгаши томонидан фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш даврига тузилади.

Сенат Кенгаши комиссиясининг ваколатларига қуйидагилар киради:

Ўзбекистон Республикасининг ҚОНУНИ

Фуқаролар йиғини раиси (оқсоқоли) ва унинг маслаҳатчилари сайлови тўғрисида (янги таҳрири)

фуқаролар йиғинлари раислари (оқсоқоллари) ва уларнинг маслаҳатчилари сайловини қонун ҳужжатларига тўла мувофиқ ҳолда ташкил этиш ҳамда ўтказиш;

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга кўмаклашувчи Қорақалпоғистон Республикаси, вилоятлар, Тошкент шаҳар, туманлар ва шаҳарлар комиссиялари (бундан буён матнда комиссиялар деб юритилади) фаолиятини мувофиқлаштириб бориш;

комиссиялар сайловни самарали ўтказиш учун зарур бўладиган норматив-ҳуқуқий ҳужжатлар ва бошқа ҳужжатлар билан таъминланишини ташкил этиш;

Фуқаролар йиғинлари раислари (оқсоқоллари) ва уларнинг маслаҳатчилари сайловини ўтказиш масалалари юзасидан аҳоли ўртасида тушунтириш ишларини ташкил этиш;

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш қандай бораётганлиги оммавий ахборот воситаларида ёритилишини ташкил этиш;

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш масалалари бўйича фуқароларнинг мурожаатларини кўриб чиқиш;

сайлов яқунлари тўғрисида тегишли комиссиялар томонидан тақдим этилган ахборотни умумлаштириш ва кўриб чиқиш, бу ахборотни кенг жамоатчилик эътиборига етказиш.

Сенат Кенгашининг комиссияси қонун ҳужжатлари-га мувофиқ бошқа ваколатларни ҳам амалга ошириши мумкин.

12-модда.
Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишга кўмаклашувчи комиссияларни тузиш

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказишда фуқаролар йиғинларига амалий ёрдам кўрсатиш учун Қорақалпоғистон Республикаси, вилоятлар, Тошкент шаҳри, туманлар ва шаҳарлар ҳудудида тегишинча Қорақалпоғистон Республикаси, вилоятлар, Тошкент шаҳар, туманлар ва шаҳарлар комиссиялари тузилади.

Комиссиялар Қорақалпоғистон Республикаси Жўқорғи Кенгеси, тегишли халқ депутатлари вилоят, Тошкент шаҳар, туман ва шаҳар Кенгаши қарори билан тузилади. Қорақалпоғистон Республикаси, вилоятлар ва Тошкент шаҳар комиссиялари фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш даврига тузилади. Туманлар ва шаҳарлар комиссиялари фуқаролар йиғини раиси (оқсоқоли) ва унинг маслаҳатчиларининг навбатдаги сайлови эълон қилинганидан кейин ўз фаолиятини тугатади.

Комиссиялар таркибига, қоида тарикасида, фуқаролар йиғинларининг, давлат органларининг, нодавлат нотижорат ташкилотларнинг вакиллари киритилади.

Фуқаролар йиғини раиси (оқсоқоли) ёки унинг маслаҳатчилари лавозимига номзодлар комиссияга аъзо шахслар ёҳуд уларнинг яқин қариндошлари орасидан кўрсатилган тақдирда, улар комиссия таркибидан чиқарилади.

13-модда.
Комиссияларнинг ваколатлари

Комиссиялар ўз ваколатлари доирасида:
фуқаролар йиғини раиси (оқсоқоли) ва унинг маслаҳатчилари сайлови тўғрисидаги қонун ҳужжатларининг ижросини таъминлайди;
фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш бўйича ишчи гуруҳларнинг (бундан буён матнда ишчи гуруҳ деб юритилади) фаолиятини мувофиқлаштириб боради;

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш масалалари бўйича аҳоли ўртасида тушунтириш ишларини ташкил этади;

ҳовлилар, уйлар, кўчалардан ҳамда шаҳарчаларда-ги, қишлоқлардаги ва овуллардаги маҳаллалардан фуқароларнинг вакиллиги нормасини белгилайди;

ишчи гуруҳлардан кейинчалик тегишли туман, шаҳар ҳокимлари билан келишиш учун фуқаролар йиғинлари раислари (оқсоқоллари) лавозимига номзодларга доир ҳужжатларни қабул қилиб олади;

фуқаролар йиғинлари раислари (оқсоқоллари) ва уларнинг маслаҳатчилари сайловига доир ҳужжатлар-нинг намуналарини тасдиқлайди, бундан Ўзбекистон Республикаси Олий Мажлиси Сенатининг Кенгаши томонидан белгиланадиган бюллетенлар намуналари мустасно;

ишчи гуруҳларнинг фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш масалалари билан боғлиқ ахборотини эшитади;

тегишли худудда фуқаролар йиғинлари раислари (оқсоқоллари) ва уларнинг маслаҳатчилари сайлови яқунларини чиқаради ҳамда Сенат Кенгашининг комиссиясига ахборот тақдим этади;

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш масалаларига доир фуқароларнинг мурожаатларини кўриб чиқади;

Фуқаролар йиғинлари раислари (оқсоқоллари) ва уларнинг маслаҳатчилари сайловини ташкил этиш ҳамда ўтказиш билан боғлиқ ҳужжатларнинг архивга топширилишини таъминлайди.

Комиссиялар қонун ҳужжатларига мувофиқ бошқа ваколатларни ҳам амалга ошириши мумкин.

14-модда.
Фуқаролар йиғини раиси (оқсоқоли) ва унинг маслаҳатчи-лари сайловини ташкил этиш ҳамда ўтказиш бўйича ишчи гуруҳ тузиш

Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказиш учун фуқаролар йиғини (фуқаролар вакил-

ларининг йиғилиши) қарори билан ишчи гуруҳ тузилади. Фуқаролар йиғини раиси (оқсоқоли) ва унинг маслаҳатчиларининг навбатдаги сайлови эълон қилин-ганидан кейин ишчи гуруҳ ўз фаолиятини тугатади.

Ишчи гуруҳ таркибига, қоида тарикасида, фуқаролар йиғинининг, тегишли худудда жойлашган нодавлат нотижорат ташкилотлар ва бошқа ташкилотларнинг вакиллари, шунингдек халқ депутатлари тегишли туман (шаҳар) Кенгашининг депутати киритилади.
Фуқаролар йиғини раиси (оқсоқоли), унинг маслаҳатчилари, фуқаролар йиғини органларининг бошқа ходимлари, шунингдек фуқаролар йиғини раиси (оқсоқоли) ва унинг маслаҳатчилари лавозимига номзодларнинг, фуқаролар йиғини органлари бошқа ходимларининг яқин қариндошлари ишчи гуруҳ таркибига киритили-ши мумкин эмас.

Фуқаролар йиғини раиси (оқсоқоли) ёки унинг маслаҳатчилари лавозимига номзодлар ишчи гуруҳга аъзо шахслар ёҳуд уларнинг яқин қариндошлари орасидан кўрсатилган тақдирда, улар ишчи гуруҳ таркибидан чиқарилади.

15-модда.
Ишчи гуруҳунинг ваколатлари

Ишчи гуруҳ:

фуқаролар йиғини (фуқаролар вакилларининг йиғилиши) ўтказиладиган сана, вақт ва жойни белги-лайди ҳамда уни ўтказишдан камида беш кун олдин бу ҳақда тегишли худудда яшовчи фуқароларни хабардор қилади;

ҳовлилар, уйлар, кўчалар ҳамда шаҳарчалардаги, қишлоқлардаги ва овуллардаги маҳаллалар аҳолисинаинг фуқаролар вакиллари сайлови бўйича умумий йиғилишларини ташкил этади ва ўтказади;

ҳовлилар, уйлар, кўчалар ҳамда шаҳарчалардаги, қишлоқлардаги ва овуллардаги маҳаллалар аҳолиси умумий йиғилишининг иштирокчиларини рўйхатга олади ҳамда фуқароларнинг сайланган вакиллари ҳақидаги маълумотларни кўрсатган ҳолда аҳолининг умумий йиғилиши баённомасини тузади;

тегишли худудда доимий яшовчи фуқароларнинг фикрини ҳисобга олган ҳолда тегишли комиссияга тақдим этиш учун фуқаролар йиғини раиси (оқсоқоли) ва унинг маслаҳатчилари лавозимига номзодлар бўйича тақифлар тайёрлайди;

Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказиш масалалари юзасидан аҳоли ўртасида тушунтириш ишларини олиб боради;

Фуқаролар йиғини раиси (оқсоқоли) ва унинг маслаҳатчиларининг такрорий сайлови, шунингдек бўшаб қолган ўринларга фуқаролар йиғини раиси (оқсоқоли) ва унинг маслаҳатчилари сайлови ўтказилишини ташкил этади;

Фуқаролар йиғини раиси (оқсоқоли) ва унинг маслаҳатчилари сайловини ташкил этиш ҳамда ўтказиш масалаларига доир фуқароларнинг мурожаатларини кўриб чиқади.

Ишчи гуруҳ қонун ҳужжатларига мувофиқ бошқа ваколатларни ҳам амалга ошириши мумкин.

3-боб.
Фуқаролар йиғини раиси (оқсоқоли) ва унинг маслаҳатчилари лавозимига номзодлар кўрсатиш

16-модда.
Фуқаролар йиғини раиси (оқсоқоли) лавозимига номзодлар кўрсатиш

Фуқаролар йиғини раиси (оқсоқоли) лавозимига номзодлар кўрсатиш тегишли худудда доимий яшовчи фуқароларнинг фикри инобатга олинган ҳолда ишчи гуруҳ томонидан амалга оширилади.

Ишчи гуруҳ фуқаролар йиғини раиси (оқсоқоли) лавозимига номзодларга доир ҳужжатларни тайёрлайди ва туман ёки шаҳар ҳокими билан келишиш учун тегишли комиссияга сайловдан камида ўн кун олдин тақдим этади.
Ҳужжатларга фуқаролар йиғини раиси (оқсоқоли) лавозимига номзодларнинг ўз номзоди кўрсатилишига ёзма розилги илова қилинади.

Туман ёки шаҳар ҳокими фуқаролар йиғинлари раислари (оқсоқоллари) лавозимига тақдим этилган номзодларнинг ҳужжатларини кўриб чиқади ва ўзининг ушбу номзодлар бўйича асослантирилган хулоса-ларини кейинчалик ишчи гуруҳларга топшириш учун тегишли комиссияларга юборади.

Ишчи гуруҳ туман ёки шаҳар ҳокимининг хулосаси-ни олганидан кейин фуқаролар йиғини раиси (оқсоқоли) лавозимига келишидан номзодлар ҳақидаги ахборотни сайловдан камида беш кун олдин фуқаролар йиғини биносига ва гузарларга осиб қўяди.

17-модда.
Фуқаролар йиғини раиси (оқсоқоли) лавозимига номзодларга қўйиладиган талаблар

Фуқаролар йиғини раиси (оқсоқоли) лавозимига номзодлар Ўзбекистон Республикаси фуқаролари бўлиши, қоида тарикасида, олий маълумотга эга бўлиши, бевосита сайловга қадар камида беш йил тегишли худудда доимий яшаётган бўлиши, ташкилотчилик қобилиятига, давлат органларида ёки нодавлат нотижорат ташкилотларда ёҳуд тадбиркор-лик ва бошқа хўжалик фаолияти соҳасида иш тажрибасига, шунингдек ҳаётий тажрибага ва аҳоли ўртасида обрў-эътиборга эга бўлиши керак.

Суд томонидан муомалага лаёқатсиз деб топилган, оғир ёҳуд ўта оғир жиноятларни содир этганлик учун судланганлик ҳолати тугалланмаган ёки судланганлиги олиб ташланмаган шахслар, шунингдек суднинг ҳукми билан озодликдан маҳрум этиш жойларида сақлана-ётган, ҳақиқий ҳарбий хизматдаги шахслар, диний ташкилотларнинг профессионал хизматчилари фуқаролар йиғини раиси (оқсоқоли) лавозимига сайланиш учун номзод этиб кўрсатилиши мумкин эмас.

18-модда.
Фуқаролар йиғини раиси (оқсоқоли) маслаҳатчиларининг миқдор таркибини белгилаш

Фуқаролар йиғини раиси (оқсоқоли) маслаҳатчи-ларининг миқдор таркиби ҳовлилар, уйлар, кўчалар-дан ҳамда шаҳарчалардаги, қишлоқлардаги ва

овуллардаги маҳаллалардан фуқароларнинг вакилли-ги инобатга олинган ҳолда фуқаролар йиғини (фуқаролар вакилларининг йиғилиши) томонидан белгиланади.

19-модда.
Фуқаролар йиғини раиси (оқсоқоли) маслаҳатчилари лавозимларига номзодлар кўрсатиш

Фуқаролар йиғини раиси (оқсоқоли) маслаҳатчи-лари лавозимларига номзодлар тегишли худудда доимий яшайдиган фуқароларнинг фикрлари инобат-га олинган ҳолда ишчи гуруҳ томонидан кўрсатилади.

4-боб.
Фуқаролар йиғини раиси (оқсоқоли) ва унинг маслаҳатчилари сайловини ўтказиш тартиби

20-модда.
Фуқаролар йиғини раиси (оқсоқоли) ва унинг маслаҳат-чилари сайловини ўтказиш учун фуқаролар йиғинини (фуқаролар вакилларининг йиғилишини) қақриш

Фуқаролар йиғини (фуқаролар вакилларининг йиғилиши) «Фуқароларнинг ўзини ўзи бошқариш органлари тўғрисида»ги Ўзбекистон Республикаси Қонунида белгиланган тартибда қақрилади ва ўтказилади.

Фуқаролар вакиллари йиғилишига ҳовлилар, уйлар, кўчалардан фуқароларнинг вакиллари юборилади. Таркибида маҳаллалар мавжуд бўлган шаҳарчалар, қишлоқлар ва овуллар фуқаролар вакилларининг йиғилишига маҳаллалардан фуқароларнинг вакиллари юборилади.

Вакиллик нормасини тегишли комиссия белгилайди.

21-модда.
Фуқаролар йиғинини (фуқаролар вакилларининг йиғилишини) ўтказиш тартиби

Фуқаролар йиғини (фуқаролар вакилларининг йиғилиши) ишчи гуруҳунинг раҳбари раислигида ўтказилади.

Фуқаролар йиғини (фуқаролар вакилларининг йиғилиши) кун тартибига, қоида тарикасида, қуйидаги масалалар киритилади:

саноқ комиссиясини сайлаш;
фуқаролар йиғини раисини (оқсоқолини) сайлаш;
фуқаролар йиғини раисининг (оқсоқолининг) маслаҳатчиларини сайлаш.

Фуқаролар йиғинида (фуқаролар вакилларининг йиғилишида) фуқаролар йиғинининг (фуқаролар вакиллари йиғилишининг) иш регламенти, шу жумладан фуқаролар йиғини раиси (оқсоқоли) ва унинг маслаҳатчилари лавозимига номзодларнинг маърузалари, уларнинг муҳокамаси, саволлар ва жавоблар учун вақт белгиланади.

Фуқаролар йиғини раиси (оқсоқоли) ва унинг маслаҳатчилари сайлови бўйича овоз бериш натижаларини аниқлаш учун фуқаролар йиғини (фуқаролар вакилларининг йиғилиши) томонидан камида уч кишидан иборат таркибда саноқ комиссияси сайланади.

Фуқаролар йиғинида (фуқаролар вакилларининг йиғилишида) раислик қилувчи фуқаролар йиғини раиси (оқсоқоли) ва унинг маслаҳатчилари лавозими-га номзодларни эълон қилади. Шундан сўнг фуқаро-лар йиғинида (фуқаролар вакилларининг йиғилиши-да) раислик қилувчи фуқаролар йиғини раиси (оқсоқоли) лавозимига номзодларнинг ҳар бирига сўз беради.

Фуқаролар йиғини раиси (оқсоқоли) лавозимига номзодларнинг маърузаси алифбо тартибида ўткази-либ, номзодлар ўзининг келгуси фаолият дастурини эълон қилади.

22-модда.
Фуқаролар йиғини раиси (оқсоқоли) ва унинг маслаҳат-чиларини сайлашда овоз бериш шакллари

Фуқаролар йиғини раиси (оқсоқоли) ва унинг маслаҳатчиларини сайлаш очиқ ёки яширин овоз бериш орқали амалга оширилади.

Овоз бериш шакли тўғрисидаги қарор фуқаролар йиғини (фуқаролар вакилларининг йиғилиши) томонидан очиқ овоз бериш орқали қабул қилинади.

23-модда.
Овоз беришни ўтказиш тартиби

Фуқаролар йиғини раиси (оқсоқоли) ёки унинг маслаҳатчилари сайлови очиқ овоз бериш орқали ўтказилаётганда овоз бериш ҳар бир номзод бўйича қўл кўтариш йўли билан ўтказилади. Бунда фуқаролар йиғинида (фуқаролар вакилларининг йиғилишида) раислик қилувчи фуқаролар йиғини раиси (оқсоқоли) лавозимига номзодларни алифбо тартибида овозга қўяди.

Фуқаролар йиғини раиси (оқсоқоли) лавозимига номзодлар бўйича овоз бериш ўтказилгандан кейин, фуқаролар йиғинида (фуқаролар вакилларининг йиғилишида) раислик қилувчи фуқаролар йиғини раисининг (оқсоқолининг) маслаҳатчилари лавозими-га номзодларни алифбо тартибида овозга қўяди.

Фуқаролар йиғини раиси (оқсоқоли) ёки унинг маслаҳатчилари сайлови яширин овоз бериш орқали ўтказилаётганда фуқаролар йиғини (фуқаролар вакилларининг йиғилиши) иштирокчиларига саноқ комиссияси томонидан сайлов бюллетенлари (бундан буён матнда бюллетень деб юритилади) берилади.

Бюллетенга фуқаролар йиғини раиси (оқсоқоли) ёки унинг маслаҳатчилари лавозимига номзодларнинг фамилияси, исми, отасининг исми алифбо тартибида киритилади.

Фуқаролар йиғини раиси (оқсоқоли) ёки унинг маслаҳатчиларини сайлашда бюллетенларни бериш бевосита овоз беришдан олдин бошланади.

(Давоми 3-бетда).

Ўзбекистон Республикасининг ҚОНУНИ

Фуқаролар йиғини раиси (оқсоқоли) ва унинг маслаҳатчилари сайлови тўғрисида (янги таҳрири)

«**Давоми. Бошланиши 1-2-бетларда.**»

Бюллетень овоз берувчи томонидан яширин овоз бериш кабинасида ёки хонасида тўлдирилади. Овоз берувчи бюллетеннинг ўнг томонида ўзи ёқлаб овоз бераётган фуқаролар йиғини раиси (оқсоқоли) ёки унинг маслаҳатчиси лавозимига номзоднинг фамилияси қаршидада жойлашган бўш квадратга белги-крестик қўяди.

Овоз берувчи тўлдирилган бюллетенни сайлов қутисига ташлайди.

Сайлов қутилари овоз бериш тулаганидан кейин саноқ комиссияси томонидан очилади.

Бюллетенларнинг намуналари ва шакллари Ўзбекистон Республикаси Олий Мажлиси Сенатининг Кенгаши томонидан белгиланади.

24-модда. Овозларни санаб чиқиш

Овозлар саноқ комиссияси томонидан фуқаролар йиғини раиси (оқсоқоли) ёки унинг маслаҳатчилари лавозимига ҳар бир номзод бўйича санаб чиқилади.

25-модда. Саноқ комиссиясининг баённомаси

Овозларни санаш натижалари бўйича саноқ комиссияси томонидан баённома тузилади ва баённома саноқ комиссиясининг раиси ҳамда аъзолари томонидан имзоланади.

Саноқ комиссиясининг баённомасида қуйидагилар кўрсатилади:

фуқаролар йиғини (фуқаролар вакилларининг йиғилиши) иштирокчиларининг умумий сони;

овоз беришда қатнашган фуқаролар йиғини (фуқаролар вакилларининг йиғилиши) иштирокчиларининг сони;

яширин овоз бериш ўтказилганида бюллетень олган фуқаролар йиғини (фуқаролар вакилларининг йиғилиши) иштирокчиларининг сони;

фуқаролар йиғини раиси (оқсоқоли) ёки унинг маслаҳатчилари лавозимига ҳар бир номзодни ёқлаб берилган овозлар сони;

яширин овоз бериш ўтказилганида ҳақиқий эмас деб топилган бюллетенлар сони.

Саноқ комиссиясининг баённомаси саноқ комиссия-

сининг раиси томонидан ўқиб эшиттирилади ва фуқаролар йиғини (фуқаролар вакилларининг йиғилиши) томонидан тасдиқланади.

26-модда. Фуқаролар йиғини раиси (оқсоқоли) ва унинг маслаҳатчилари сайлови яқунларини чиқариш

Овоз беришда иштирок этган фуқароларнинг яриmidан кўпроғи овозини олган номзод фуқаролар йиғини раиси (оқсоқоли) ёки унинг маслаҳатчиси лавозимига сайланган деб ҳисобланади.

Фуқаролар йиғини (фуқаролар вакилларининг йиғилиши) фуқаролар йиғини раиси (оқсоқоли) ва унинг маслаҳатчилари сайлови яқунлари бўйича қарор қабул қилади, мазкур қарор фуқаролар йиғинида (фуқаролар вакилларининг йиғилишида) раислик қилувчи томонидан ўқиб эшиттирилади.

Фуқаролар йиғини (фуқаролар вакилларининг йиғилиши) баённомаси икки нусхада тузилиб, бир нусхаси сайлов яқунларини умумлаштириш учун тегишли туман ва шаҳар комиссиясига тақдим этилади.

Тегишли туман ва шаҳар комиссиялари фуқаролар йиғинлари раислари (оқсоқоллари) ва уларнинг маслаҳатчилари сайлови яқунларига доир умумлаштирилган маълумотларни оқори турувчи комиссияга топширади.

27-модда. Фуқаролар йиғини раиси (оқсоқоли) ва унинг маслаҳатчилари сайловини ўтмаган ёки ҳақиқий эмас деб топш

Агар фуқаролар йиғини раиси (оқсоқоли) ва унинг маслаҳатчилари сайловида фуқаролар йиғинида иштирок этувчилар рўйхатиға киритилган фуқароларнинг яриmidан камроғи иштирок этган бўлса, сайлов ўтмаган деб топилади. Фуқаролар йиғини раиси (оқсоқоли) ва унинг маслаҳатчилари сайлови фуқаролар вакилларининг йиғилишларида ўтказилган тақдирда, агар йиғилишда ҳовлилар, уйлар, кўчалардан ҳамда шаҳарчалар, қишлоқлар ва овуллар маҳаллаларидан фуқаролар вакилларининг учдан икки қисmidан ками иштирок этган бўлса, сайлов ўтмаган деб топилади.

Фуқаролар йиғини раиси (оқсоқоли) ёки унинг маслаҳатчилари сайлови давомида ёки овозларни санаб

чиқишда йўл қўйилиб, овоз бериш яқунларига таъсир қилган қоидабузарликлар туфайли сайлов суд томонидан ҳақиқий эмас деб топилиши мумкин.

28-модда. Фуқаролар йиғини раиси (оқсоқоли) ва унинг маслаҳатчилари сайловида такрорий овоз бериш

Агар фуқаролар йиғини раиси (оқсоқоли) ёки унинг маслаҳатчилари лавозимига икки нафардан ортиқ номзод кўрсатилган ва улардан биронтаси ҳам сайланмаган бўлса, фуқаролар йиғини (фуқаролар вакилларининг йиғилиши) энг кўп овоз олган икки номзод бўйича такрорий овоз беришни ўтказиш тўғрисида қарор қабул қилади. Такрорий овоз бериш ушбу Қонуннинг талабларига риоя этилган ҳолда ўтказилади.

Такрорий овоз бериш чоғида овоз беришда иштирок этган фуқароларнинг овозини бошқа номзодга нисбатан кўпроқ олган номзод фуқаролар йиғини раиси (оқсоқоли) ёки унинг маслаҳатчилари лавозимига сайланган ҳисобланади.

29-модда. Фуқаролар йиғини раиси (оқсоқоли) ва унинг маслаҳатчилари такрорий сайлови

Фуқаролар йиғини раиси (оқсоқоли) ва унинг маслаҳатчилари такрорий сайлови қуйидаги ҳолларда ўтказилади, агар:

аввалги сайлов ўтмаган ёки ҳақиқий эмас деб топилган бўлса;

такрорий овоз бериш фуқаролар йиғини раиси (оқсоқоли) ёки унинг маслаҳатчилари сайланганигини аниқлаш имконини бермаса;

фуқаролар йиғинида (фуқаролар вакилларининг йиғилишида) фуқаролар йиғини раиси (оқсоқоли) ёки унинг маслаҳатчилари лавозимига кўпи билан икки нафар номзод кўрсатилган ҳамда улардан биронтаси ҳам сайланмаган бўлса.

Фуқаролар йиғини раиси (оқсоқоли) ва унинг маслаҳатчилари такрорий сайлови ушбу Қонуннинг талабларига риоя этилган ҳолда бир ойлик муддатдан кечиктирмасдан ўтказилади.

ЎЗБЕКИСТОН РЕСПУБЛИКАСИ

ВАЗИРЛАР МАҲКАМАСИНИНГ

МАЖЛИСИ ТЎҒРИСИДА АХБОРОТ

«**Давоми. Бошланиши 1-бетда.**»

Мажлисида йўл-транспорт ва коммуникация инфратузилмасини, қишлоқ жойларида намунавий лойиҳалар бўйича замонавий уй-жой қурилишини жадал ривожлантириш дастурлари амалга оширилишини тахлил қилишга алоҳида эътибор қаратилди. Қайд этиб ўтилдики, жорий йилнинг биринчи чорағида Ўзбекистон Миллий автомагистрали таркибига кирувчи автомобиль йўлларини қуриш ва реконструкция қилиш бўйича жами 62 миллиард сўмлик ишлар бажарилди. Қўқон шаҳрини айланиб ўтувчи “Тошкент — Ўш” автомобиль йўлининг 42 километриги участкасини реконструкция қилиш туғалланди, 45 километр темир йўллар қайта тикланди.

Муҳокама давомида “Узавтйўл” давлат-акциядорлик компанияси, Республика йўл жамғармаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари раҳбарлари зиммасига умумий фойдаланиладиган автомобиль йўллари ва аҳоли пунктлари кўчаларидаги йўл-қурилиш ва таъмирлаш ишларини, шунингдек, Ўзбекистон Миллий автомагистрали бўйлаб йўлбўйи инфратузилмаси ҳамда сервис объектларини қуриш ва фойдаланишга топширишни жадаллаштириш, бажарилаётган ишларнинг сифати юзасидан назоратни қўчайтириш бўйича қўшмича чора-тадбирлар қўриш юклянди.

Ўзбекистон Республикаси алоқа, ахборотлаштириш ва телекоммуникация технологиялари давлат қўмитаси раисининг, энг аввало, идоравий ахборот ресурсларини ва маълумотлар базаларини шакллантириш, идоралараро айир-бошланиш ташкил этиш ва интерактив давлат хизматлари кўрсатиш ҳамда интернет-сайтларни ривожлантириш ҳисобига замонавий ахборот-коммуникация технологияларини жорий этиш ва ривожлантириш бўйича вазирликлар, идоралар, ҳўжалик бирлашмалари ва йирик корхоналарнинг махсус бўлинмалари фаолиятини самарали ташкил этиш юзасидан қўрилаган чора-тадбирлар ҳақидаги ҳисоботи эшитилди. Вазирлар Маҳкамаси комплекслари раҳбарлариға “Электрон ҳукумат” тизимини шакллантиришнинг комплекс дастурини ишлаб чиқиш ва амалга оширишни, тадбиркорлик субъектлари ва аҳолиға интерактив давлат хизматлари кўрсатишининг электрон шакллари ни жорий этишни алоҳида назоратга олиш топширилди.

Вазирликлар, идоралар, ҳўжалик бирлашмалари, йирик корхоналар, Қорақалпоғистон Республикаси Вазирлар Кенгаши, вилоятлар, туманлар ва шаҳарлар ҳокимликлари раҳбарларининг эътибори уларнинг фаолиятиға замонавий ахборот-коммуникация технологияларини жорий этиш қўламларини кенгайтириш ҳамда чуқурлаштириш, энг аввало, замонавий идоравий ахборот ресурслари ва маълумотлар базаларини шакллантириш, сифатли идоралараро айирбошланиш ташкил этиш, интерактив давлат хизматларини ривожлантириш зарурлиғига қаратилди.

Алоҳида таъкидлаб ўтилдики, Ўзбекистон Республикаси Президенти Ислом Каримовнинг “Замонавий уй-жой қурилиши — қишлоқ жойла-

рини комплекс ривожлантириш ва қиёфасини ўзгартириш ҳамда аҳоли ҳаётининг сифатини яхшилаш омили” мавзусида шу йил 17 апрелда Тошкент шаҳрида ўтказилган халқаро конференциядаги маърузасидан келиб чиқадиган кўрсатма ва вазифалар барча даражадаги ҳокимликлар, тегишли вазирликлар, идоралар, ҳўжалик бирлашмалари ҳамда корхоналар раҳбарларидан қишлоқларни тубдан қайта ўзгартиришга, қишлоқ аҳолиси ҳаёти даражаси ва сифатини янада изчил оширишга, уларни замонавий стандартларға яқинлаштиришға йўналтирилган ишларни қўчайтиришни талаб қилади. Маҳаллий ижро этувчи ҳокимият органлари, “Қишлоқ қурилиш инвест” компанияси ва “Қишлоқ қурилиш банк” акциядорлик-тижорат банки раҳбарларига жорий йилда фойдаланишға топширилиши назарда тутилган қишлоқ жойларида намунавий лойиҳалар бўйича 10 мингта янги уй-жойлар қурилишини жадаллаштириш юзасидан аниқ топшириқлар берилди.

2013 йилда иш ўринлари ташкил этиш ва аҳоли бандлигини таъминлаш дастурининг мақсадли параметрларини сўзсиз бажариш, шунингдек, касб-хўнар коллежлари битирувчиларини ишға жойлаштиришни ташкил этишға алоҳида эътибор қаратилди. Ушбу масала бўйича Меҳнат ва аҳолини ижтимоий муҳофаза қилиш вазирли, Урта махсус, касб-хўнар таълими маркази директори, Тошкент шаҳар ва Қашқадарё вилояти ҳокимларининг ҳисоботлари эшитилди. Қайд этиб ўтилдики, қўрилган аниқ мақсадға йўналтирилган чора-тадбирлар натижасида жорий йилнинг биринчи чорағида республикада 250,4 мингта янги иш ўринлари ташкил этилди, уларнинг 150 мингтадан кўпроғи ёки қарийб 60 фоизи қишлоқ жойлардадир.

Бунда вазирликлар, идоралар, маҳаллий ижро этувчи ҳокимият органлари раҳбарлари эътибори касб-хўнар коллежларининг 501 минг нафардан кўпроқ битирувчиларини ишлаб чиқариш амалиётини ўташ ва уларни келгусида ишға жойлаштиришни таъминлаш учун аниқ қорхоналар ва ташкилотларға бириктириш борасида улар томонидан амалга оширилаётган ишларнинг ҳолатиға қаратилди.

Маҳаллий ижро этувчи ҳокимият органлари, вазирликлар, идоралар ва ҳўжалик бирлашмалари раҳбарлари олдиға янги иш ўринлари ташкил этиш ҳамда аҳоли бандлигини ошириш, шунингдек, касб-хўнар коллежлари битирувчиларини эгаллаган ихтисосликларига мувофиқ ишға жойлаштиришни таъминлаш учун мавжуд резервларни сафарбар этиш юзасидан аниқ вазифалар қўйилди.

Кун тартибидаги масалалар бўйича республика вазирликлари, идоралари, ҳўжалик бирлашмалари, йирик корхоналари ва вилоятлар ҳокимликлари раҳбарлари сўзға чиқдилар. Республика Ҳукумати мажлисига киритилган масалаларни муҳокама қилиш яқунлари бўйича 2013 йилда мамлакатни ижтимоий-иқтисодий ривожлантириш дастурининг энг муҳим устувор вазифалари бажарилишни таъминлаш чора-тадбирлари белгиланган тегишли қарорлар қабул қилинди.

(ЎЗА).

«**Давоми. Бошланиши 1-бетда.**»

Концепция асосида “Давлат ҳокимияти ва бошқаруви органлари фаолиятининг очиқлиги тўғрисида”ги қонун лойиҳасининг ишлаб чиқилиши бу борадаги ислохотларнинг мантйқий давомиға айланди. Ушбу ҳуқуқий ҳужжат фуқароларнинг ахборот соҳасидаги конституциявий ҳуқуқини янада кенгроқ амалға ошириш, давлат ҳокимияти ва бошқаруви органларининг қабул қилинаётган қарорлари сифатини юксалтиришға йўналтирилганлиги билан аҳамиятлидир. Чунки унда аҳоли ва жамоат бирлаш-

лат ва жамият бошқарувидаги иштирокчини фаоллаштириш, уларнинг ахборот олишға оид конституциявий ҳуқуқини тўлиқ амалға ошириш кабрлатларини мустаҳкамлашнинг энг муҳим вазифаларидандир. Шунға мос равишда қонун нормалари рўёбига хизмат қилувчи қўлаб омиллар мавжуд. Аҳоли ҳуқуқий маданиятининг юқори даражада бўлиши, журналист кадрлар маҳорати, давлат тузилмалари вакиллари қаторида фуқароларнинг ҳам замонавий ахборот технологияларидан фол фойдаланиши шулар жумласидандир. Айтиш жоизки, мазкур йўналишлар

да эркин ахборот олишға бўлган конституциявий ҳуқуқларини амалға ошириш кўп қиррали ва мураккаб жараёндир.

— Германияда мазкур жараёнлар ахборот эркинлиғига оид ҳуқуқий механизмлар асосида тартибға солинадн. Ўзбекистонда соҳадаги янгиликлар билан танишиб, шунға амин бўлдимки, — дейди у, — бу ерда ахборот ва сўз эркинлигини ҳозирги кун талаблари асосида либераллаштириш, унинг ҳуқуқий базасини маромиға етказиш, жабҳаға тегишли қонун ҳужжатлари ижросида парламентнинг ролини қу-

ҳужжатларини такомиллаштириш, хусусан, уларни ҳуқуқий таҳриба ҳамда экспертизадан ўтказиш жараёнида илғор ахборот-коммуникация технологиялари, жумладан, интернет имкониятларидан кенг фойдаланилаётгани таҳсинға сазовор.

— Бунинг учун тегишли технология инфратузилма мавжуд, — дейди у. — Шулар асосида Ўзбекистон Президенти ташаббуси асосида “Электрон ҳукумат” тизимини шакллантириш бўйича комплекс дастур амалға оширилиши эътиборға молик. Яъни ҳар бир хоҳловчи махсус интернет сайти орқали ҳуқуқий таҳриба ўтказиш жараёни билан танишиб, қонун лойиҳаси нормалари муҳокама-сида иштирок этиш имконига эга. Уз навбатида, журналистлар ҳуқуқий таҳриба субъектлари фаолияти тўғрисида ахборот материаллари, эълон қилинаётган пресс-релизлар, ахборотномалар ва бошқа шу каби тарқатма материалларни олишлари мумкин. Буларнинг барчаси пухта ахборот маконига эга бўлган кучли фуқаролик жамиятини барпо этишда салмоқли роль ўйнайди.

Шулар билан бирға, **Аудивизуал воситалар бўйича Олий Кенгашининг Европа ва халқаро ишлари бўйича ваколатли директори Жиль МОРО (Франция)** оммавий ахборот воситалари ходимларининг замонавий ахборот бозори шароитида жамият олдиғида олинган. Масалан, ижмоний ва юридик шахсларнинг суро-ви рўйхатға олинган кундан эътиборан ўн беш кундан ошмаган муддатда қўриб чиқилиши белгилаб қўйилмоқда. Оммавий ахборот воситаларининг мансабдор шахслар билан интервью уюштириш тўғрисидаги суро-ви эса етти кундан ошмаган муддатда қўриб чиқилиши белгилаб қўйилмоқда. Ошмавий ахборот воситаларининг ўз суровларини ёзма, оззаки ва электрон шаклда, қолаверса, ўз вакиллари орқали йўллаш ҳуқуқи мустаҳкамлаб қўйилмоқда.

Финляндиянинг Медиа, коммуникациялар ва ривожланиш фонди лойиҳалари координатори Ярмо Мартти КОПОНЕНнинг таъкидлашича, Ўзбекистонда қонун

Илмий-амалий семинар доирасида халқаро экспертлар иштирокида республикаимиз марказий босма ва электрон нашрлар ҳамда ахборот хизматлари раҳбарлари учун маҳорат дарслари ўтказилди. Унда журналистнинг профессионал фаолиятини янада ривожлантириш, мамлакатнинг ички ва ташқи сийбятини ёрйтишда миллий матбуот самарадорлигини ошириш масалалари муҳокама қилинди.

Санджон МАХСУМОВ, Машҳура ТЎҶИДОВА.

